

Samichlouse- Värsli

Grittibänz bache

Schüssle parat mache.
Mäu id Schüssle sible.
Wasser derzue giesse.
Teig chnätte,
Teig rugele,
Teig chlopfe,
Teig la ruhie,
Grittibänz forme, Chnöpfli
dridrücke,
Ouge, Nase, Mul mache,
denn la bache
und zum Schluss dri bisse .

E schwäre Sack, was isch ächt drinn?
Es chämt mer ganz e Huufe z Sinn...
...vilecht ... und ächt ... oder öppe...
(sagen, was einem so in den Sinn
kommt.)
So, jetzt han i gnue errate!
Samichlous, i ma nümm gwarte:
Chumm u zeig,
was drinne isch,
läär di Sack
hie ufe Tisch!

Barbara von Arx-Haller



Minibook zusammengestellt

von Susi Fux

Leseanimatorin SIKJM

www.susifux.ch

susifux@susifux.ch

Bücher
Spiel
Geschichten

Eseli, Eseli hopsassa
Zieh im Chlaus de Schlitte nah,
Chum im Trab dur s'Dörfli i
Mit em liebe Chlaus derbi!

I bi nes chlises Schätzli
ds Mami seit mer Spätzli
dr Papi seit mer chlini Muus
Samichlous, lär ds Seckli us!

Es schmöckt um ds Samichlousehuus
nach lutter guete Sache.

Es Röichli stygt zum Chemi uus:
Dr Samichlous tuet bache!

Barbara von Arx-Haller

Das isch de Duume
dä tuet flässig ruume
dä holt Tannechris
dä steckt Cherzli dra
und dä Chili rüeft,
de Samichlaus isch da

Bald, bald bald, chunnt er us em
Tannewald
Gli, gli, gli, mit em I-A Eseli
Bald, bald, bald, gli, gli, gli,
chunnt dä Samichlaus bi üs verbi

Eseli, Eseli chli und froh
Eseli uf em Haberstroh
lauf jetzt gleitig
trapp, trapp, trapp
s`Bärgli uf und s`Bärgli ab.

I weis es chlyses Müüsli
im Samichlousehüüsli -
los, wien es macht,
zmitts i der Nacht,
los nume guet, i gloube gwüss,
das fräche Müüsli schnouset Nüss!
Barbara von Arx-Haller